

RECTOR  
GYMNASII ZITTAVIENSIS

AD  
REPETENDAM MEMORIAM

VIRI

PER QUADRAGINTA ANNOS DE  
LITERARIO HOC ORDINE

MERITISSIMI

DN. ELIÆ WEISII,

MENSE APRILI M DC LXXIX.

REBUS HUMANIS EXEMTI,

QVAM

VALEDICTORII SPECIMINIS

LOCO

ad d. XXV. APR. M DC LXXX.

IN MAJORI AUDITORIO

H. L. Q. S.

CONCELEBRABUNT

JUVENES AD ACADEMIAM DIMITTENDI,

JOHANNES RUDOLPHUS à Landtsch/

&

JOHANNES SIGISMUNDUS Möller;

DECENTER ET OFFICIOSE

INVITAT



ZITTAVIÆ,

TYPIS MICHAELIS HARTMANNI

BA



❁(❁)❁

**N**OVUM scribendi genus suscipio.  
Dum enim ad Academiam tendunt duo **Juvenes**,  
ac Valedicendi suum officium  
meâ Præscriptione commendari postulant;  
non Fautorem, sed Adversarium me inveniunt.  
Accuso, qvi debebam adfistere:  
**Improbo**, qvi alios probaturos debebam invitare.  
Nam cur dissimulem?

In pudoris me certamen adduxerunt,  
ut, qvi reliquis viam scribendi præire jussus sum,  
qvid scribi possit, non videam.  
**Et eo me** deprehendunt in resistendo debiliorem,  
qvo certiozem allegant pietatem.

Uno verbo,  
Invitandi Formulam exigunt,  
postquam ipsi  
**BEAT. MEUM PARENTEM**  
Publica **PARENTATIONIS** memoriâ  
celebrare constituerunt.

An igitur, quod ab extraneis decenter fieret,  
ego faciam in causâ domesticâ?

An, siquid à Viro solertissimo præstitum est,  
alii defunt debuccinatores,  
qvi filium à verecundo hoc opere absolvant?

Sanè qvid ipse debeam **ELLÆ**,  
sic profiteor,  
ut ne has qvidem lineolas essem exaraturus,  
si abfisset prævia manu ducentis industria.

Interim qvi jam scriptus sum hæres,  
propriam velut sector laudem,  
si celebrari cupiam priorem hæreditatis  
Possessorem.

**Ast**



**Ast**

publica me premit **Functionis** lex,  
quam uterq; sequitur:

five in valedicendo obsequium,  
five in deprædicando spectes pietatem.

**Filius** sum, qui possit refugere;

**Rector** sum, qui jubetur recipere.

Accuso itaq; ut **Filius**;

Absolvo, ut **Rector**.

Sed ita absolvo, ut utrumq; sua maneat poena.

Senserunt in corrigendo me segniorem,  
ne allegare quis posset propriam meam manum,  
in testimonia domestica effusam.

Adeoq;

rogo velint adesse **PATRONI & FAUTORES**;

simul tamen testor,

nihil audituros quod stylum sapiat meum.

Si constet sibi elaboratio,

sincerum habeant encomium;

si vicissim aliqua proferri potuissent accuratius,

habeant sibi hanc culpam,

quod argumentum attulerint mihi spinosum,

meisq; digitis minus tractabile.

Et vero commendabunt **EMERITUM**,

Superiore Aprilis Mense contumulatum.

Prior

**LANCKISIUS**

Celeberrimi apud nos Medici, Physiciq;

Ordinarii Filius,

eodem postea Studio initiandus,

**AMOREM** extollet

quem ipse declaravit **Discentibus**;

Ali-



Alter  
MÖLLERUS  
Prætoris nuper, septimo inter Patres loco, defuncti  
Filius,  
Jurisprudentiæ daturus nomen,  
AMOREM mirabitur reciprocum,  
quem Viro Amabili obtulerunt Discipules.

Ac crediderunt sanè,  
tum se inventuros Auditorium amantissimum,  
si Amor Sermonis utramq; faceret paginam.

Quamobrem,  
sive per memoriam BEATI SENIS  
rogare fas est;  
sive tanta sunt PARENTUM merita,  
quibus hoc de Filiis testimonium non denegetur;  
sive ipsa Juvenum indoles meliora jubet sperare;  
singulos rogo ac veneror,  
nolint Benevolentiam aliis concessam, hic dispen-  
sare parcius.

Quod si enim, hujus Amoris causa,  
debitorem vix habituri sunt Filium,  
certè nec immemorem, nec imparatum  
agnoscent Rectorem.

Ita Deus fervet singulos Civitatis ordines!  
Ita Scholam Patronis reddat florentissimam,  
ac in demerendis Patronis felicissimam!



*Dab. è Gymnas. Postrid. Fest. Paschat.*

M DC LXXX.

